

四庫全書

史部

欽定四庫全書

史部

史記卷一百二十八

詳校官侍讀學士臣陸伯焜

洗馬臣王坦修覆勘

覆校官待詔臣胡士震

校對官中書臣高 中

謄錄監生臣王鍾岱

欽定四庫全書

史記卷一百二十八

漢 太 史

令司馬遷 撰

宋中郎外兵曹叅 軍裴駙集解

唐國子博士弘文館學士司馬貞索隱

唐諸王侍讀率府長史張守節正義

龜策列傳第六十八

索隱龜策傳有錄無書褚先生所補其叙事煩
燕陋畧無可取正義史記至元成間十篇有錄

無書而褚少孫補景武紀將相年表禮書樂書律書三王世家蒯成侯曰者龜策列傳曰者龜

策言辭最鄙陋非

太史公之本意也

太史公曰自古聖王將建國受命興動事業何嘗不寶卜筮以助善唐虞以上不可記已自三代之興各據禎祥塗山之兆從而夏啓世飛燕之卜順故殷興百穀之筮吉故周王王者決定諸疑參以卜筮斷以著龜不易之道也蠻夷氏羌雖無君臣之序亦有決疑之卜或以金石或以草木

集解徐廣曰一作草

國不同俗然皆可以戰伐攻

擊推兵求勝各信其神以知來事畧聞夏殷欲卜者乃
取著龜已則弃去之以為龜藏則不靈著久則不神至
周室之卜官常寶藏著龜又其大小先後各有所尚要
其歸等耳或以為聖王遭事無不定決疑無不見其設
稽神求問之道者以為後世衰微愚不師智人各自安
化分為百室道散而無垠故推歸之至微要潔于精神
也或以為昆蟲之所長聖人不能與爭其處吉凶別然
否多中于人至高祖時因秦太卜官天下始定兵革未

息及孝惠享國日少呂后女主孝文孝景因嚴掌故未
遑講試雖父子疇官世世相傳其精微深妙多所遺失
至今上即位博開藝能之路悉延百端之學通一伎之
士咸得自効絕倫超奇者為右無所阿私數年之間太
卜大集會上欲擊匈奴西攘大宛集解徐廣曰攘一作襄襄除也南收
百越卜筮至預見表象先圖其利及猛將推鋒執節獲
勝于彼而著龜時日亦有力于此上尤加意賞賜至或
數千萬如丘子明之屬富溢貴寵傾于朝廷至以卜筮

射蠱道巫蠱時或頗中素有眦睚不快因公行誅恣意
所傷以破族滅門者不可勝數百僚蕩恐皆曰龜策能

言後事覺奸窮亦誅三族夫揲策定數

集解徐廣曰揲音逢一作達索

隱揲謂兩手執著分而劫之故云揲策

灼龜觀兆變化無窮是以擇賢而

用占焉可謂聖人重事者乎周公卜三龜而武王有瘳

紂為暴虐而元龜不占晉文將定襄王之位卜得黃帝

之兆

集解駉案左傳曰遇黃帝戰于阪泉之兆

卒受彤弓之命獻公貪驪姬

之色卜而兆有口象其禍竟流五世楚靈將背周室卜

而龜逆

集解駢案左傳曰靈王卜曰余尚得天下不吉投龜詢天而呼曰是區區者而不余畀余必自

取之索隱詢音火候反

終被乾溪之敗兆應信誠于內而時人明

察見之于外可不謂兩合者哉君子謂夫輕卜筮無神

明者悖背人道

索隱悖音倍背音佩

信禎祥者鬼神不得其正故

書建稽疑五謀而卜筮居其二五占從其多明有而不

專之道也余至江南觀其行事問其長老云龜千歲乃

遊蓮葉之上

集解徐廣曰蓮一作領聲相近或假借字也

著百莖共一根

集解

徐廣曰劉向云龜千歲而靈著百年而一本生百莖

又其所生獸無虎狼草無毒

螫江傍家人常畜龜飲食之以為能導引致氣有益于助衰養老豈不信哉

褚先生曰臣以通經術受業博士治春秋以高第為郎幸得宿衛出入宮殿中十有餘年竊好太史公傳太史公之傳曰三王不同龜四夷各異卜然各以決吉凶畧闕其要故作龜策列傳臣往來長安中求龜策列傳不能得故之太卜官問掌故文學長老習事者寫取龜策卜事編于下方聞古五帝三王發動舉

事必先決著龜傳曰

索隱此傳即太卜所得古龜之說也

下有伏靈上

有兔絲上有搏著

索隱搏音逐留反搏著即藁著搏古梲字

下有神龜所

謂伏靈者在兔絲之下狀似飛鳥之形新雨已天清

靜無風以夜捎兔絲去之即以籊燭此地

集解徐廣曰籊籊也

蓋然火而籠罩其上也音籊陳涉世家曰夜籊火也

燭之火滅即記其處以新

布四大環置之明即掘取之八四尺至七尺得矣過

七尺不可得伏靈者千歲松根也食之不死聞著生

滿百莖者其下必有神龜守之其上常有青雲覆之

傳曰天下和平王道得而著莖長丈其叢生滿百莖
方今世取著者不能中古法度不能得滿百莖長大
者取八十莖已上著長八尺即難得也人民好用卦
者取滿六十莖已上長滿六尺者即可用矣記曰能
得名龜者財物歸之家必大富至千萬一曰北斗龜
二曰南辰龜三曰五星龜四曰八風龜五曰二十八
宿龜六曰日月龜七曰九州龜八曰玉龜凡八名龜
龜圖各有文在腹下文云云者此某之龜也畧記其

大指不寫其圖取此龜不必滿尺二寸民人得長七
八寸可寶矣今夫珠玉寶器雖有所深藏必見其光
必出其神明其此之謂乎故玉處于山而木潤淵生
珠而岸不枯者

集解徐廣曰一無不字許氏說淮南以為滋潤鍾于明珠致令岸枯也

潤澤之所加也明月之珠出于江海藏于蚌中蚘蠃

伏之

集解徐廣曰許氏說淮南云蚘蠃龍屬也音決索隱蚘當為蛟蠃音龍注音決誤也王者

得之長有天下四夷賓服能得百莖著并得其下龜

以卜者百言百當足以決吉凶神龜出于江水中廬

江郡常歲時生龜長尺二寸者二十枚輸大卜官因以吉日剔取其腹下甲龜千歲乃滿尺二寸王者發軍行將必鑽龜廟堂之上以決吉凶今高廟中有龜室藏內以為神寶傳曰取前足臑骨穿佩之

集解徐廣曰臑

音乃毛反臑臂索隱臑音乃高反一音乃導反

取龜置室西北隅懸之以入

深山大林中不惑臣為郎時見萬畢石朱方傳曰有

神龜在江南嘉林中

索隱按萬畢術中有石朱方方中說嘉林中故云傳曰

嘉

林者獸無虎狼鳥無鴟梟草無毒螫野火不及斧斤

不至是為嘉林龜在其中常巢于芳蓮之上左脅文

書曰甲子重光

集解徐廣曰子一作于

得我者匹夫為人君有

土正

集解徐廣曰正長也為有土之官長

諸侯得我為帝王求之于白

蛇蟠杆

集解徐廣曰一孤反

林中者齋戒以待誕然

索隱按林名白蛇蟠

杆林龜藏其中杆音烏謂白蛇嘗蟠杆此林中也誕音疑言求龜者齋戒以待恒誕然也

狀如有

人來告之因以醺酒佗髮

集解徐廣曰佗一作被索隱佗音徒我反謂被髮也

求之三宿而得由是觀之豈不偉哉故龜可不敬歟

南方老人用龜支林足行二十餘歲老人死移林龜

尚生不死龜能行氣導引問者曰龜至神若此然太卜官得生龜何為輒殺取其甲乎近世江上人有得名龜畜置之家因大富與人議欲遣去人教殺之勿遣遣之破人家龜見夢曰送我水中無殺吾也其家終殺之殺之後身死家不利人民與君王者異道人民得名龜其狀類不宜殺也以往古故事言之古明王聖主皆殺而用之宋元王時得龜亦殺而用之謹連其事于左方令好事者觀擇其中焉宋元王二年

江使神龜使于河至于泉陽魚者豫且舉網得而囚

之

索隱且音子余反泉陽人網元龜者

置之籠中夜半龜來見夢于宋

元王曰我為江使于河而幕網當吾路泉陽豫且得

我我不能去身在患中莫可告語王有德義故來告

訴元王惕然而悟乃召博士衛平而問之

索隱宋元君之臣也

曰今寡人夢見一丈夫延頸而長頭衣玄繡之衣而

乘輜車來見夢于寡人曰我為江使于河而幕網當

吾路泉陽豫且得我我不能去身在患中莫可告語

王有德義故來告訴是何物也衛平乃援式而起

集解

徐廣曰
式音勑

仰天而視月之光觀斗所指定日處鄉規矩

為輔副以權衡四維已定八卦相望視其吉凶介蟲

先見乃對元王曰今昔壬子

索隱今昔猶昨夜也以
今日言之謂昨夜為今

昔

宿在牽牛河水大會鬼神相謀漢正南北

正義漢
天河

江河固期南風新至江使先來白雲壅漢萬物盡留

斗柄指日使者當囚玄服而乘輜車其名為龜王急

使人問而求之王曰善于是王乃使人馳而往問泉

陽令曰漁者幾何家名誰為豫且豫且得龜見夢于
王王故使我求之泉陽令乃使吏案籍視圖水上漁
者五十五家上流之廬名為豫且泉陽令曰諾乃與
使者馳而問豫且曰今昔汝漁何得豫且曰夜半時
舉網得龜集解駢案莊子曰得白龜圓五尺使者曰今龜安在曰在
籠中使者曰王知子得龜故使我求之豫且曰諾即
系龜而出之籠中獻使者使者載行出于泉陽之門
正晝無見風雨晦冥雲蓋其上五采青黃雷雨並起

風將而行入于端門見于東箱身如流水潤澤有光
望見元王延頸而前三步而止縮頸而却復其故處
元王見而恠之問衛平曰龜見寡人延頸而前以何
望也縮頸而復是何當也衛平對曰龜在患中而終
昔囚王有德義使人活之今延頸而前以當謝也縮
頸而却欲亟去也元王曰善哉神至如此乎不可久
留趣駕送龜勿令失期衛平對曰龜者是天下之寶
也先得此龜者為天子且十言十當十戰十勝生於

深淵長于黃土知天之道明于上古游三千歲不出
其域安平靜正動不用力壽蔽天地莫知其極與物
變化四時變色居而自匿伏而不食春蒼夏黃秋白
冬黑明于陰陽審于刑德先知利害察于禍福以言
而當以戰而勝王能寶之諸侯盡服王勿遣也以安
社稷元王曰龜甚神靈降于上天陷于深淵在患難
中以我為賢德厚而忠信故來告寡人寡人若不遣
也是漁者也漁者利其肉寡人貪其力下為不仁上

為無德君臣無禮何從有福寡人不忍奈何勿遣衛
平對曰不然臣聞盛德不報重寄不歸天與不受天
奪之寶今龜周流天下還復其所上至蒼天下薄泥
塗還徧九州未嘗愧辱無所稽留今至泉陽漁者辱
而囚之王雖遣之江河必怒務求報仇自以為侵因
神與謀淫雨不霽水不可治若為枯旱風而揚埃蝗
蟲暴生百姓失時王行仁義其罰必來此無他故其
崇在龜後雖悔之豈有及哉王勿遣也元王慨然而

歎曰夫逆人之使絕人之謀是不暴乎取人之有以
自為寶是不彊乎寡人聞之暴得者必暴亡彊取者
必後無功桀紂暴彊身死國亡今我聽子是無仁義
之名而有暴彊之道江河為湯武我為桀紂未見其
利恐離其咎寡人狐疑安事此寶趣駕送龜勿令久
留衛平對曰不然王其無患天地之間累石為山高
而不壞地得為安故云物或危而顧安或輕而不可
遷人或忠信而不如誕謾

集解徐廣曰誕一作訑音
土和反索隱誕音由爛切

謾音漫又
並如字

或醜惡而宜大官或美好佳麗而為衆人

患非神聖人莫能盡言春秋冬夏或暑或寒寒暑不
和賊氣相奸同歲異節其時使然故令春生夏長秋
收冬藏或為仁義或為暴彊暴彊有鄉仁義有時萬
物盡然不可勝治大王聽臣臣請患言之天出五色

以辨白黑地生五穀以知善惡人民莫知辨也與禽
獸相若谷居而穴處不知田作天下禍亂陰陽相錯

忽忽疾疾

集解徐廣
曰一作病

通而不相擇妖孽數見

正義說
文衣服

詩謠草木之怪謂之妖禽獸蟲蝗之怪謂之孽

傳為單薄聖人別其生使無

相獲禽獸有牝牡置之山原鳥有雌雄布之林澤有

介之蟲置之谿谷故牧人民為之城郭內經間術外

為阡陌夫妻男女賦之田宅列其室屋為之圖籍別

其名族立官置吏勸以爵祿衣以桑麻養以五穀耕

之耰之

集解徐廣曰音憂正義耰覆種也說文云耰摩田器

鉏之耨之

集解徐廣曰耨

除草也

口得所嗜目得所美身受其利以是觀之非彊

不至故曰田者不彊困倉不盈

正義說文云圓者謂之困方者謂之廩

商賈不彊不得其贏婦女不彊布帛不精官御不彊其勢不成大將不彊卒不使令侯王不彊沒世無名故云彊者事之始也分之理也物之紀也所求于彊

無不有也王以為不然王獨不聞玉櫝隻雉

集解徐廣曰隻

一作雙

出于昆山明月之珠出于四海鐫石拌蚌

集解徐廣

曰鐫音子旋反拌音判索隱拌割也

傳賣于市聖人得之以為大寶大

寶所在乃為天子今王自以為暴不如拌蚌于海也自以為彊不過鐫石于昆山也取者無咎寶者無患

今龜使來抵網而遭漁者得之見夢自言是國之寶也王何憂焉元王曰不然寡人聞之諫者福也諛者賊也人主聽諛是愚惑也雖然禍不妄至福不徒來天地合氣以生百財陰陽有分不離四時十有二月日至為期聖人徹焉身乃無灾明王用之人莫敢欺故云福之至也人自生之禍之至也人自成之禍與福同刑與德雙聖人察之以知吉凶桀紂之時與天爭功擁遏鬼神使不得通是固已無道矣諛臣有衆

桀有諛臣名曰趙梁教為無道勸以貪狼繫湯夏臺
殺闕龍逢左右忍死偷諛于傍國危于累卵皆曰無
傷稱樂萬歲或曰未央蔽其耳目與之詐狂湯卒伐
桀身死國亡聽其諛臣身獨受殃春秋著之至今不

忘紂有諛臣名為左彊誇而目巧教為象郎

集解駟
案禮記

曰目巧之室鄭玄曰但用目巧善
意作室不由法度許慎曰象牙郎

將至于天又有玉

林犀玉之器象箸而羹

索隱箸音持慮反則箸即筋
為與羹連或云箸樽也記曰

羹之有菜者用
挾挾者筋也

聖人剖其心壯士斬其脰

集解駟案
脰音衡脚

胙也箕子恐死被髮佯狂殺周太子歷囚文王昌授之

石室

索隱按殺周太子歷在囚文王昌之上則近是季歷季歷不被紂誅則其言近妄無容周更別

有太子名歷也將以昔至明陰兢活之

集解徐廣曰兢一作競索隱陰姓兢名也

與之俱亡入于周地得太公望興卒聚兵與紂相攻

文王病死載尸以行太子發代將號為武王戰于牧

野破之華山之陽紂不勝敗而還走圍之象郎自殺

宣室

集解徐廣曰天子之居名曰宣室

身死不葬頭懸車軫四馬曳

行寡人念其如此腸如涓湯

集解徐廣曰涓音館一作沸索隱涓沸也是

人皆富有天下而貴至天子然而大傲欲無厭時舉
事而喜高貪狼而驕不用忠信聽其諛臣而為天下
笑今寡人之邦居諸侯之間曾不如秋毫舉事不當
又安已逃衛平對曰不然河雖神賢不如崑崙之山
江之源理不如四海而人尚奪取其寶諸侯爭之兵
革為起小國見亡大國危殆殺人父兄虜人妻子殘
國滅廟以爭此寶戰攻分爭是暴彊也故云取之以
暴彊而治以文理無逆四時必親賢士與陰陽化鬼

神為使通于天地與之為友諸侯賓服民衆殷喜邦
家安寧與世更始湯武行之乃取天子春秋著之以
為經紀王不自稱湯武而自比桀紂桀紂為暴彊也

固以為常桀為瓦室

集解駢案世本曰昆吾作陶張
華博物記亦云桀為瓦蓋是昆

吾為桀
作也

紂為象郎徵絲灼之務以費民

索隱灼謂燔
也燒然以當

薪務費
人也

賦歛無度殺戮無方殺人六畜以韋為囊囊

盛其血與人懸而射之與天帝爭彊逆亂四時先百
鬼嘗諫者輒死諛者在傍聖人伏匿百姓莫行天數

枯旱國多妖祥螟蟲歲生五穀不成民不安其處鬼
神不享飄風日起正晝晦冥日月並蝕滅息無光列
星奔亂皆絕紀綱以是觀之安得久長雖無湯武時
固當亡故湯伐桀武王克紂其時使然乃為天子子
孫續世終身無咎後世稱之至今不已是皆當時而
行見事而彊乃能成其帝王今龜大寶也為聖人使
傳之賢士不用手足雷電將之風雨送之流水行之
侯王有德乃得當之今王有德而當此寶恐不敢受

王若遣之宋必有咎後雖悔之亦無及已元王大悅

而喜于是元王向日而謝

索隱蓋欲神之以謝天之質向日者天之光明著見

者也

再拜而受擇日齋戒甲乙最良乃刑白雉及與驪

羊以血灌龜于壇中央以刀剝之身全不傷脯酒禮

之橫其腹腸荆支卜之必制其創

正義音瘡

理達於理文

相錯迎使工占之所言盡當邦福重寶

集解徐廣曰福音副藏也

聞于傍鄉殺牛取草被鄭之桐

集解徐廣曰牛草桐為鼓也

草木

畢分化為甲兵戰勝攻取莫如元王元王之時衛平

相宋宋國最强龜之力也故云神至能見夢于元王而不能自出漁者之籠身能十言盡當不能通使于河還報於江賢能令人戰勝攻取不能自解于刀鋒免剝刺之患聖能先知亟見而不能令衛平無言言事百全至身而寧當時不利又焉事賢賢者有恒常士有適然是故明有所不見聽有所不聞人雖賢不能左畫方右畫圓日月之明而時蔽於浮雲羿名善

射不如雄渠逢門

集解駢案新序曰楚雄渠子夜行見伏石當道以為虎而射之應弦

沒羽淮南子曰射者重以逢門子之巧劉歆七畧有蠡門射法也

禹名為辯智而不

能勝鬼神地柱折天故母椽又奈何責人于全孔子

聞之曰神龜知吉凶而骨直空枯

正義凡龜其骨空中而枯也直語發

聲也今河東亦然

日為德而君子天下辱於三足之鳥月為

刑而相佐見食于蝦蟇蝟辱于鵲

集解郭璞曰蝟能制虎見鵲仰地淮

南萬畢曰鵲令蝟反腹者蝟憎其意而心惡之也

騰蛇之神而殆于即且

郭璞曰騰蛇龍屬也蚺蛆似蝗大腹食蛇腦也正義即津日反且則餘反即吳公也狀如蚺蜒而大黑色

竹外有節理中直空虛松栢為百木長而守門閭日

辰不全故有孤虛

集解駟案甲乙謂之日子丑謂之辰六甲孤虛法甲子旬中無戌亥

戌亥即為孤辰巳即為虛甲戌旬中無申酉申酉為孤寅卯即為虛甲申旬中無午未午未為孤子丑即為虛甲午旬中無辰巳辰巳為孤戌亥即為虛甲辰旬中無寅卯寅卯為孤申酉即為虛甲寅旬中無子丑子丑為孤午未即為虛劉歆七畧有風后孤虛二十卷正義按歲月日時孤虛並得上法也

黃金

有疵白玉有瑕事有所疾亦有所徐物有所拘亦有

所據固有所數亦有所疎人有所貴亦有所不如何

可而適乎物安可全乎天尚不全故世為屋不成三

瓦而陳之

集解徐廣曰一云為屋成欠三瓦而棟之也索隱劉氏云陳猶居也注作棟音都貢

反正義言為屋不成欠三以應之天下有階物不全
瓦以應天猶陳列而居也
正義言萬物及日月天地
皆不能全喻龜之不全也乃生也

褚先生曰漁者舉網而得神龜龜自見夢宋元王元
王召博士衛平告以夢龜狀平運式定日月分衡度
視吉凶占龜與物色同平諫王留神龜以為國重寶
美矣古者筮必稱龜者以其令名所從來久矣余述
而為傳

三月

二月

正月

正義言正月二月三月
轉周環終十二月者日月

之龜腹下十二黑點為十二月者二十八宿龜也

十一月

集解
駟案

中闕內高外下正義此等下至首俛大者皆卜兆之狀也

四月

首仰

正義謂
兆首仰

起足開

肸開

索隱音琴肸謂兆足斂也

首俛大

索隱俛音免
兆首伏也

五月

橫吉

首俛大

正義謂兆
首伏而大

六月

七

月

八月

九月

十月

卜禁日子亥戌不可以卜及殺龜日中如食已卜暮

昏龜之徵也

索隱徵音咄謂
徵統不明也

不可以卜庚辛可以殺

及以鑽之常以月旦禘龜

索隱禘音廢又音拂拂洗
之以水雞卵摩之而呪

先以清水澡之以卯祓之

正義以常月朝清水洗之以雞卵摩而祝之

乃

持龜而遂之若嘗以為祖

集解徐廣曰一作視索隱祖法也言以為常法

人

若已卜不中皆祓之以卯東向立灼以荆若剛木土

集解徐廣曰一作十一索隱按古之灼龜取生荆枝及生堅木燒之斬斷以灼龜按土字合依劉氏說當

連下

卯指之者三

正義言卜不中以土為卯三度指之三周繞之用厭不祥也

持

龜以卯周環之祝曰今日吉謹以梁卯煇黃

索隱梁米也卯

雞子也煇灼龜木音次第之第言燒荆枝更遞而灼故有煇名一音梯言灼之以漸如有階梯也黃者以

黃絹裹梁卯以板龜也必以黃者中之色主土而信故用雞也正義煇音題煇焦也言以梁米雞卵祓去

龜之不祥令灼之不焦不黃
若色焦及黃卜之不中也
祓去玉靈之不祥玉靈

必信以誠知萬事之情辯兆皆可占不信不誠則燒

玉靈揚其灰以徵後龜其卜必北向龜甲必尺二寸

卜先以造
集解徐廣曰音竈也
灼鑽
索隱造謂燒荆之處物若木也
鑽中已又

灼龜首各三又復灼所鑽中曰正身灼首曰正足
集解

徐廣曰
一作止
各三即以造三周龜祝曰假之玉靈夫子
索隱

尊神龜而
為之作號
夫子玉靈荆灼而心令而先知而上行于

天下行于淵諸靈數刺
集解徐廣曰音策索隱數音所具反刺音近策或刺是策

之別名此卜筮之書其字亦無可覈他皆放此

莫如汝信今日良日行一良

貞

集解徐廣曰行一作身

其欲卜某即得而喜不得而悔即得

發鄉我身長大手足收人皆上偶不得發鄉我身挫折中外不相應手足滅去

靈龜卜祝曰假之靈龜五筮五靈不如神龜之靈知人死知人生某身良貞某欲求某物即得也頭見足發內外相應即不得也頭仰足矜內外自隨可得占卜占病者祝曰今某病困死首上開内外交駭身節

折不死首仰足脰卜病者祟曰今病有祟無呈無崇有呈兆有中祟有內外祟有外

卜繫者出不出不出橫吉安若出足開首仰有外

卜求財物其所當得得首仰足開內外相應即不得呈兆首仰足脰

卜有賣若買臣妾馬牛得之首仰足開內外相應不得首仰足脰呈兆若橫吉安

卜擊盜聚若干人在某所今某將卒若干人往擊之

當勝首仰足開身正內自橋外下不勝足胗首仰身

首

集解徐廣曰一作簡

內下外高

卜求當行不行行首足開不行足胗首仰若橫吉安

安不行

卜往擊盜當見不見見首仰足胗有外不見足開首

仰

卜往候盜見不見見首仰足胗胗有外不見足開

首仰

卜聞盜來不來外高內下足矜首仰不來足開首
仰若橫吉安期之自次

卜遷徙去官不去去足開有矜外首仰不去自去即
足矜星兆若橫吉安

卜居官尚吉不吉呈兆身正若橫吉安不吉身節折
首仰足開

卜居室家吉不吉吉呈兆身正若橫吉安不吉身節
折首仰足開

卜歲中禾稼孰不孰孰首仰足開內外自橋外自垂
不孰足胕首仰有外

卜歲中民疫不疫疫首仰足胕身節有彊外不疫身
正首仰足開

卜歲中有兵無兵無兵呈兆若橫吉安有兵首仰足
開身作外彊情

卜見貴人吉不吉吉足開首仰身正內自橋不吉首
仰身節折足胕有外若無漁

卜請謁于人得不得得首仰足開內自橋不得首仰
足胷有外

卜追亡人當得不得得首仰足胷內外相應不得首
仰足開若橫吉安

卜漁獵得不得得首仰足開內外相應不得足胷首
仰若橫吉安

卜行遇盜不遇遇首仰足開身節折外高內下不遇
呈兆

卜天雨不雨雨首仰有外外高內下不雨首仰足開
若橫吉安

卜天雨霽不霽霽呈兆足開首仰不霽橫吉命曰橫
吉安以占病病甚者一日不死不甚者卜曰瘳不死
繫者重罪不出輕罪環出過一日不出久毋傷也求
財物買臣妾馬牛一日環得過一日不得不得行者
不行來者環至過食時不至不來擊盜不行行不遇
聞盜不來徙官不徙居官家室皆吉歲稼不孰民疾

疫無疾歲中無兵見人行不行不喜請謁人不行不得追亡人漁獵不得行不遇盜雨不雨霽不霽

命曰呈兆病者不死繫者出行者行來者來市買得追亡人得過一日不得問行者不到

命曰柱徹卜病不死繫者出行者行來者來而市買不得憂者毋憂追亡人不得

命曰首仰足胗有內無外占病病甚不死繫者解求財物買臣妾馬牛不得行者聞言不行來者不來聞

盜不來聞言不至徙官聞言不徙居官有憂居家多
災歲稼中孰民疾疫多病歲中有兵聞言不開見貴
人吉請謁不行行不得善言追亡人不得漁獵不得
行不遇盜雨不雨甚霽故其莫字皆為首倘問之曰
備者仰也故定以為仰此私記也

命曰首仰足脰有內無外占病病甚不死繫者不出
求財買臣妾不得行者不行來者不來擊盜不見聞
盜來內自驚不來徙官不徙居官家室吉歲稼不孰

民疾疫有病甚歲中無兵見貴人吉請謁追亡人不得亡財物財物不出得漁獵不得行不遇盜雨不雨霽不霽凶

命曰呈兆首仰足脢以占病不死繫者未出求財物買臣妾馬牛不得行不行來不來擊盜不相見聞盜來不來徙官不徙居官久多憂居家室不吉歲稼不孰民病疫歲中毋兵見貴人不吉請謁不得漁獵得少行不遇盜雨不雨霽不霽不吉

命曰呈兆首仰足開以占病病篤死繫囚出求財物
買臣妾馬牛不得行者行來者來擊盜不見盜聞盜
來不來徙官徙居官不久居家室不吉歲稼不孰民
疾疫有而少歲中無兵見貴人不見吉請謁追亡人
漁獵不得行遇盜雨不雨霽小吉

命曰首仰足脢以占病不死繫者久毋傷也求財物
買臣妾馬牛不得行者不行擊盜不行來者來聞盜
來徙官聞言不徙居家室不吉歲稼不孰民疾疫少

歲中無兵見貴人得見請謁追亡人漁獵不得行遇盜雨不雨霽不霽吉

命曰首仰足開有內以占病者死繫者出求財物買臣妾馬牛不得行者行來者來擊盜行不見盜聞盜來不來徙官徙居官不久居家室不吉歲孰民疾疫有而少歲中無兵見貴人不吉請謁追亡人漁獵不得行不遇盜雨霽霽小吉不霽吉

命曰橫吉內外自橋以占病卜曰毋瘳死繫者毋罪

出求財物買臣妾馬牛得行者行來者來擊盜合交
等聞盜來來徙官徙居家室吉歲孰民疫無疾歲中
無兵見貴人請謁追亡人漁獵得行遇盜雨霽雨霽
大吉

命曰橫吉內外自吉以占病病者死繫不出求財物
買臣妾馬牛追亡人漁獵不得行者不來擊盜不相
見聞盜不來徙官徙居家有憂居家室見貴人請謁
不吉歲稼不孰民疾疫歲中無兵行不遇盜雨不雨

霽不霽不吉

命曰漁人以占病者病者甚不死繫者出求財物買臣妾馬牛擊盜請謁追亡人漁獵得行者行來聞盜來不來徙官不徙居家室吉歲稼不孰民疾疫歲中毋兵見貴人吉行不遇盜雨不雨霽不霽吉

命曰首仰足脢內高外下以占病病者甚不死繫者不出求財物買臣妾馬牛追亡人漁獵得行不行來者來擊盜勝徙官不徙居官有憂無傷也居家室多

憂病歲大孰民疾疫歲中有兵不至見貴人請謁不吉行遇盜雨不雨霽不霽吉

命曰橫吉上有仰下有柱病久不死繫者不出求財物買臣妾馬牛追亡人漁獵不得行不行來不來擊盜不行行不見聞盜來不來徙官不徙居家室見貴人吉歲大孰民疾疫歲中毋兵行不遇盜雨不雨霽不霽大吉

命曰橫吉榆仰以占病不死繫者不出求財物買臣

妾馬牛至不得行不行來不來擊盜不行行不見聞
盜來不來徙官不徙居官家室見貴人吉歲孰歲中
有疾疫毋兵請謁追亡人不得漁獵至不得行不得
行不遇盜雨霽不霽小吉

命曰橫吉下有柱以占病病甚不環有瘳無死繫者
出求財物買臣妾馬牛請謁追亡人漁獵不得行來
不來擊盜不合聞盜來來徙官居官吉不久居家室
不吉歲不孰民無疾疫歲中毋兵見貴人吉行不遇

盜雨不雨霽小吉

命曰載所以占病環有瘳無死繫者出求財物買臣
妾馬牛請謁追亡人漁獵得行者行來者來擊盜相
見不相合聞盜來來徙官徙居家室憂見貴人吉歲
孰民無疾疫歲中無兵行不遇盜雨不雨霽霽吉

命曰根格以占病者不死繫久毋傷求財物買臣妾
馬牛請謁追亡人漁獵不得行不行來不來擊盜盜
行不合聞盜不來徙官不徙居家室吉歲稼中民疾

疫無死見貴人不得見行不遇盜雨不雨大吉

命曰首仰足脰外高內下卜有憂無傷也行者不來病久死求財物不得見貴人者吉

命曰外高內下卜病不死有祟而市買不得居官家室不吉行者不行來者不來繫者久毋傷吉

命曰頭見足發有內外相應以占病者起繫者出行者行來者來求財物得吉

命曰呈兆首仰足開以占病病甚死繫者出有憂求

財物買臣妾馬牛請謁追亡人漁獵不得行不行來
不來擊盜不合聞盜來來徙官居官家室不吉歲惡
民疾疫無死歲中毋兵見貴人不吉行不遇盜雨不
雨霽不吉

命曰呈兆首仰足開外高內下以占病不死有外崇
繫者出有憂求財物買臣妾馬牛相見不會行行來
聞言不來擊盜勝聞盜來不來徙官居官家室見貴
人不吉歲中民疾疫有兵請謁追亡人漁獵不得聞

盜遇盜雨不雨霽凶

命曰首仰足脰身折內外相應以占病病甚不死繫者久不出求財物買臣妾馬牛漁獵不得行不行來不來擊盜有用勝聞盜來來徙官不徙居官家室不吉歲不孰民疾疫歲中有兵不至見貴人喜請謁追亡人不得遇盜凶

命曰內格外垂行者不行來者不來病者死繫者不出求財物不得見人不見大吉

命曰橫吉內外相應自橋榆仰上柱上柱足足胗以
占病病甚不死繫久不抵罪求財物買臣妾馬牛請
謁追亡人漁獵不得行不行來不來居官家室見貴
人吉徙官不徙歲不大孰民疾疫有兵有兵不會行
遇盜聞言不見雨不雨霽霽大吉

命曰頭仰足胗內外自隨卜憂病者甚不死居官不
得居行者行來者不來求財物不得求人不得吉

命曰橫吉下有柱卜來者來卜曰即不至未來卜病

者過一日毋瘳死行者不行求財物不得繫者出

命曰橫吉内外自舉以占病者久不死繫者久不出
求財物得而少行者不行來者不來見貴人見吉

命曰內高外下疾輕足發求財物不得行者行病者
有瘳繫者不出來者來見貴人不見吉

命曰外格求財物不得行者不行來者不來繫者不
出不吉病者死求財物不得見貴人見吉

命曰內自舉外來正足發者行來者來求財物得病

者久不死繫者不出見貴人見吉

此橫吉上柱外內自舉足脰以下有求得病不死
繫者毋傷未出行不行來不來見人不見百事盡吉
此橫吉上柱外內自舉柱足以作以下有求得病死
環起繫留毋傷環出行不行來不來見人不見百事
吉可以舉兵

此挺詐有外以下有求不得病不死數起繫禍罪聞
言毋傷行不行來不來

此挺詐有內以下有求不得病不死數起留禍罪無
傷繫出行不行來者不來見人不見

此挺詐內外自舉以下有求得病不死繫母罪行行
來來田賈市漁獵盡喜

此狐貉以下有求不得病死難起繫留母罪難出可
居宅可娶婦嫁女行不行來不來見人不見有憂不
憂

此狐徹以下有求不得病者死繫留有抵罪行不行

來不來見人不見言語定百事盡不吉

此首俯足胫身節折以下有求不得病者死留繫有罪望行者不來行行來不來見人不見

此挺內外自垂以下有求不晦病不死難起繫留毋罪難出行不行來不來見人不見不吉

此橫吉揄仰首俯以下有求難得病難起不死繫難出毋傷也可居家室以娶婦嫁女

此橫吉上柱載正身節折內外自舉以下病者卜日

不死其一日乃死

此橫吉上柱足胛內自舉外自垂以下病者卜日不死其一日乃死

為人病首俯足詐有外無內病者占龜未已急死卜輕失大一日不死

首仰足胛以下有求不得以繫有罪人言語恐之母傷行不行見人不見

大論曰

索隱按褚先生所取太卜雜占卦體及命兆之辭義燕辭重殆無足採凡此六十七條別

是外者人也內者自我也外者女也內者男也首俛也
者憂大者身也卜者枝也大法病者足脰者生足開
者死行者足開至足脰者不至行者足脰不行足開
行有求足開得足脰者不得繫者足脰不出開出其
卜病也足開而死者內高而外下也

索隱迷贊曰三王異龜五帝殊卜或長或短若瓦若
玉其記已已其繇後續江使觸網見留宋國神能託
夢不衛其足

史記卷一百二十八

史記卷一百二十八考證

龜策列傳。史通曰尋列傳所編者惟人而已至于龜策異物不類肖形而輒與黔首同科俱謂之傳不其恠乎且龜策所記全為志體何若以八書齊列而定以書名庶幾物得其朋同聲相應者矣

故玉處于山而木潤淵生珠而岸不枯者。語本文子及荀子

宋元王時得龜亦殺而用之。事出莊子外物篇褚先

生訛元公為元王

魚者豫且。莊子作余且

教為象郎集解許慎曰象牙郎。陳子龍曰郎之與廊古字通用也象郎似以象飾室之名或作繪象如後世畫室之意二義俱通觀後園之象郎知定是室也以韋為囊囊盛其血與人懸而射之與天帝爭彊。殷本紀作武乙

史記卷一百二十八考證

欽定四庫全書

史記卷一百二十九

漢

太史

令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

貨殖列傳第六十九

索隱論語云賜不受命而貨殖焉廣雅云殖立也孔安國注尚書云殖生也生資貨財利也

老子曰至治之極鄰國相望

正義音已

雖狗之聲相聞民各

甘其食美其服安其俗樂其業至老死不相往來必用

此為務輓近世塗民耳目則幾無行矣

索隱輓音晚古字通用

太史公曰夫神農以前吾不知已至若詩書所述虞夏

以來耳目欲極聲色之好口欲窮芻豢之味身安逸樂

而心誇矜勢能之榮使俗之漸民久矣雖戶說以眇論

終不能化

索隱取音妙論如字

故善者因之其次利道之其次教

誨之其次整齊之最下者與之爭夫山西饒村竹穀纁

集解徐廣曰紵屬可以為布索隱穀音谷又音雖木名皮可為紙纏山中紵可以為布音盧紵音佇今山間野紵亦作芋旄玉石山東多魚鹽漆絲聲色江南出桤梓索隱南子

二音薑桂金錫連集解徐廣曰音連鈆之未鍊者丹沙犀瑇瑁珠璣齒草

龍門碣石正義龍門山在徐州龍門縣碣石山在平州盧龍縣北多馬牛羊旃裘

筋角銅鐵則千里往往山出棊索隱言如置棊子往往有之正義言出銅

鐵之山方千里如圍棊之置也管子云九天下名山五千二百七十出銅之山四百六十七出鐵之山三十六

百有九山上赭其下有鐵山上有鉛其下有銀此其大

山上有銀其下有丹山上有礬石其下有金也

較也索隱較音角大較猶大畧也皆中國人民所喜好謠俗被服飲

食奉生送死之具也故待農而食之虞而出之工而成

之商而通之此寧有政教發徵期會哉人各任其能竭

其力以得所欲故物賤之徵貴

索隱徵言求也謂此處物賤求彼貴賣之

貴

之徵賤各勸其業樂其事若水之趨下日夜無休時不

召而自來不求而民出之豈非道之所符而自然之驗

邪

索隱特謂合于道也

周書曰農不出則乏其食工不出則乏其

事商不出則三寶絕虞不出則財匱少財匱少而山澤

不辟矣

索隱辟音開辟開也通也

此四者民所衣食之原也原大則

饒原小則鮮上則富國下則富家貧富之道莫之奪予

索隱予音與言貧富自由無奪予也

而巧者有餘拙者不足故太公望封

于營丘地瀉鹵

集解徐廣曰瀉音昔瀉鹵鹹地也

人民寡于是太公勸

其女功極技巧通魚鹽則人物歸之疆至而輻湊故齊

冠帶衣履天下海岱之間歛袂而往朝焉

索隱言齊既富饒能冠帶

天下豐厚被于他邦故海岳之間歛袂而朝齊言趨利者也

其後齊中衰管子脩之

設輕重九府

正義管子云輕重謂錢也夫治民有輕重之法周有大府玉府內府外府泉府天府職內

職金職幣皆掌財幣之官故曰九府也

則桓公以霸九合諸侯一匡天下而

管氏亦有三歸位在陪臣富于列國之君是以齊富強
至于威宣也故曰倉廩實而知禮節衣食足而知榮辱
禮生于有而廢于無故君子富好行其德小人富以適
其力淵深而魚生之山深而獸往之人富而仁義附焉
富者得勢益彰失勢則客無所之以而不樂夷狄益甚
諺曰千金之子不死于市此非空言也故曰天下熙熙
皆為利來天下壤壤皆為利往夫千乘之王萬家之侯
百室之君尚猶患貧而况匹夫編戶之民乎

昔者越王勾踐困于會稽之上乃用范蠡計然

集解徐廣曰計

然者范蠡之師也名研故諺曰研桑心算駟案范子曰計然者葵丘濮上人姓辛氏字文子其先晉國已公子也嘗南游于越范蠡師事之索隱韋昭云計然范蠡師也蔡謨云蠡所著書名計然蓋非也吳越春秋謂之計倪漢書古今人表計然列在第四則倪之與研是一人聲相近而相亂耳計然曰知鬪則修

備時用則知物

索隱言知時所用之物

二者形則萬貨之情可得

而觀已故歲在金穰水毀木饑火旱

索隱五行不說土者土穰也

旱

則資舟水則資車

索隱國語大夫種曰賈人早資舟水資車以待也

物之理也

六歲穰六歲旱十二歲一大饑夫糴二十病農九十病

末

索隱言米賤則農人病也故云病農若米斗直九十則商賈病故云病末末謂逐末為商賈也

末病

則財不出農病則草不辟矣上不過八十下不減三十

則農末俱利平糶齊物關市不乏治國之道也積著之

理

索隱著音張呂反

務完物無息幣

索隱久停息貨物則無利

以物相貿易

腐敗而食之貨勿留無敢居貴論其有餘不足則知貴

賤貴上極則反賤賤下極則反貴貴出如糞土賤取如

珠玉

索隱夫物極貴必賤極賤必貴貴出如糞土者既極貴後恐其必賤故乘時出之如糞土賤取如珠

玉者既極賤後恐其必貴故乘時取之如珠玉此所以為貨殖

財幣欲其行如流水修

之十年國富厚賂戰士士赴矢石如渴得飲遂報強吳

觀兵中國稱號五霸范蠡既雪會稽之耻乃喟然而歎

曰計然之策七越用其五而得意既已施于國吾欲用

之家乃乘扁舟

集解漢書音義曰特舟也索隱扁音篇又音符珍反國語云范蠡乘輕舟

浮

于江湖

正義國語云勾踐滅吳及至五湖范蠡辭于王曰君王勉之臣不復入國矣遂乘輕舟以入于

五湖莫知其所終極

變名易姓適齊為鴟夷子皮

索隱大顏云若盛酒之鴟夷也

用之則多所容納不用則可卷而懷之不忤于物也按韓子云鴟夷子皮事田成子成子去齊之燕子皮乃從之蓋范之陶

正義括地志云即陶山在齊州平陽縣東三十五里陶山之陽也縣南五里猶有朱

公冢又云曹州濟陽縣東南三里有陶朱公冢又云在南郡華容縣西未詳也索隱服虔云陶今定陶也為

朱公朱公以為陶天下之中諸侯四通貨物所交易也

乃治產積居與時逐

集解駟案漢書音義曰逐時而居貨索隱韋昭云隨時逐利也

而

不責于人

索隱按謂擇人而與人負之故云不責于人也

故善治生者能擇

人而任時十九年之中三致千金再分散與貧交疏昆

弟此所謂富好行其德者也後年衰老而聽子孫子孫

修業而息之遂至巨萬

集解徐廣曰萬萬也

故言富者皆稱陶朱

公

子貢既學于仲尼退而仕于衛廢著鬻財于曹魯之間

集解徐廣曰子貢傳云廢居著猶居也著讀音如貯索隱漢書亦作貯說文云貯積也

七十子之

徒賜最為饒益原憲不厭糟糠

索隱厭飽也

匿于窮巷子貢

結駟連騎束帛之幣以聘享諸侯所至國君無不分庭

與之抗禮夫使孔子名布揚于天下者子貢先後之也

此所謂得勢而益彰者乎

白圭周人也當魏文侯時李克務盡地力

索隱案漢書食貨志李悝

為魏文侯作盡地力之教國以富强今此及漢書言克皆誤也劉向別錄則云李悝也

而白圭樂

觀時變故人棄我取人取我與夫歲孰取穀予之絲漆

璽凶取帛絮與之食

索隱食謂穀也

太陰在卯穰

正義太陰歲後二辰為太

陰

明歲衰惡至午旱明歲美至酉穰明歲衰惡至子大

旱明歲美有水至卯積著率

正義貯律二音

歲倍欲長錢取下

穀長石斗取上種能薄飲食忍嗜欲節衣服與用事僮

僕同苦樂趨時若猛獸摯鳥之發故曰吾治生產猶伊

尹呂尚之謀孫吳用兵商鞅行法是也是故其智不足

與權變勇不足以決斷仁不能以取予強不能有所守

雖欲學吾術終不告之矣蓋天下言治生祖白圭白圭
其有所試矣能試有所長非苟而已也

猗頓用鹽鹽起

集解孔叢曰猗頓魯之窮士也耕則常飢桑則常寒聞朱公富往而問術焉朱

公告之曰子欲速富當畜五犢于是乃適西河大畜牛
半于猗氏之南十年之間其息不可計貨擬王公馳名
天下以興富于猗氏故曰猗頓索隱鹽音古按周禮鹽
人云共苦鹽杜子春以為苦讀如鹽謂出鹽直用不煉
也一說云鹽鹽河東大監散鹽東海煮水為鹽也正義
按猗氏蒲州縣也河東鹽池是畦鹽作畦若種韭一畦
天雨下池中鹹淡得均即畝池中水上畔中深一尺許
以日暴之五六日則成鹽若白礬石大小如雙陸及暮
則呼為畦鹽或有花鹽緣黃河鹽池有八九所而鹽州
有烏池猶出三色鹽有井鹽畦鹽花鹽其池中鑿井深

一二尺去泥即到鹽掘取若至一丈則著平石無鹽矣其色或白或青黑名曰井鹽畦鹽若河東者花鹽池中有下隨而大小成鹽其下方微空上頭隨雨下池中心其滴高起若塔子形處曰花鹽赤白即成鹽焉池中心有泉井水淡所作池人馬盡汲此井其鹽四分入官一分入百姓也池中又鑿得鹽塊濶一尺餘高二尺白色光明洞徹年而邯鄲郭縱以鐵冶成業與王者埒富

烏氏倮

集解韋昭曰烏氏縣名屬安定倮名也索隱漢書作贏烏氏縣名音支倮音魯可反正義縣古

城在涇州安定縣東四十里倮名也

畜牧及衆斥賣求奇繒物間

集解徐廣曰間

一作奸不以公正謂之奸也

獻遺戎王

索隱謂畜牧及至衆多之時斥而賣之以求奇物也間獻

猶私獻也

戎王什倍其償與之畜

索隱謂戎王償之牛羊十倍也

畜至用谷

量馬牛

集解韋昭曰滿谷則具不復數索隱谷音欲

秦始皇帝令倮比封君

以時與列臣朝請而巴蜀寡婦

清索隱漢書作巴寡婦清巴寡婦之邑清其名

名其先得丹穴

集解徐廣曰涪陵出丹正義括地志云寡婦清臺山俗名貞女山在涪州永安

縣東北七十里也

而擅其利數世家亦不訾

正義音子規反言資財衆多不可訾

量一云清多以財餉遺四方用衛其業故財亦不多積聚

清寡婦也能守其業用財

自衛不見侵犯秦皇帝以為貞婦而客之為築女懷清

臺夫倮鄙人牧長清窮鄉寡婦禮抗萬乘名顯天下豈

非以富邪漢興海內為一開闢梁弛山澤之禁是以富

商大賈周流天下交易之物莫不通得其所欲而徙豪傑諸侯彊族于京師闕中自汧雍以東至河華膏壤沃野千里自虞夏之貢以為上田而公劉適邠太王王季在岐文王作豐武王治鎬故其民猶有先王之遺風好

稼穡殖五穀地重

索隱言重于耕稼也

重為邪

索隱重音逐隴反重者難也畏言不

敢為奸邪正義重並逐拱反言闕中地重厚民亦重難不為邪惡

及秦文孝繆居雍隙

集解徐廣曰隙者間孔也地居隴蜀之間要路故曰隙正義雍岐州雍縣也

隴蜀之貨物而

多賈

索隱賈音古

獻孝公徙櫟邑

集解徐廣曰在馮翊索隱櫟音藥即櫟陽

北却戎翟東通三晉亦多大賈武昭治咸陽因以漢都

長安諸陵四方輻湊並至而會地小人衆故其民益玩

巧而事末也南則巴蜀巴蜀亦沃野地饒厄

集解徐廣曰音支烟

支也紫赤色也

薑丹沙石銅鐵

集解徐廣曰邛都出銅臨邛出鐵

竹木之器南

御滇棘熨僮西近邛笮笮馬旄牛然四塞棧道千里無

所不通唯褒斜綰轍其口

集解徐廣曰在漢中索隱言褒斜道狹綰其道口有若車

轍之湊故云綰轍也

以所多易所鮮

索隱易音亦鮮音數言以所多易其所少

天水隴

西北地上郡與關中同俗然西有羌中之利北有戎翟

之畜畜牧為天下饒然地亦窮險唯京師要其道

正義要音

腰言要束其路也

故關中之地于天下三分之一而人衆不過

什三然量其富什居其六昔唐人都河東

集解徐廣曰堯都晉陽也

殷人都河內周人都河南夫三河在天下之中若鼎足

王者所更居也建國各數百千歲土地小狹民人衆都

國諸侯所聚會故其俗纖儉習事楊平陽陳西賈秦翟

正義賈音古秦閼內也翟隰石等州

北賈種代

正義種之勇反

部落稽也延綏銀三州皇白翟所居

種在恒州石邑縣北

種代石北也集解徐廣曰石邑縣也在常山索隱楊平

蓋蔚州也代今代州

陽二邑名在趙之西陳蓋衍字以下有楊平陽陳椽因
此衍也言二邑之人皆西賈于秦翟北賈于種代種代
在石邑也地邊胡數被寇人民矜慎忤集解音灼曰慎音
忤音堅瓠曰慎

音慨今北土名彊直為慎中索隱慎音異忤音寔好氣任俠為奸不事農商然

迫近北夷師旅亟往中國委輸時有奇羨索隱奇音羈
羨音羊戰反

奇羨謂時其餘衍也其民羯羗不均集解徐廣曰羗音咒一音囚
几反皆健羊名索隱羯音已

統反羗音慈紀反言其方人性若羊捷悍而不均也自全晉之時固已患其僇悍

而趙武靈王益厲之其謠俗猶有趙之風也故楊平陽

陳椽其間得所欲索隱椽音逐緣反陳
猶經營馳逐也溫軹西賈上黨

正義澤潞等州也

北賈趙中山

索隱溫軹二縣名屬河內正義洛州及定州

中山地

薄人衆猶有沙丘紂淫地餘民

集解晉灼曰言地薄人衆猶復有沙丘紂淫地

餘民通係之于淫風而言之正義沙丘在邢州也

民俗懷急

集解徐廣曰懷急也音絹一作懷一

作惠音翽也

仰機利而食丈夫相聚游戲悲歌忼慨起則相

隨推剽

索隱推即推殺人而剽掠之

休則掘冢作巧奸治

集解徐廣曰一作盡

多美物

集解徐廣曰美一作美一作推

為倡優女子則鼓鳴瑟跕屣

集解

徐廣曰跕音帖張晏曰舞屣也璜曰蹠跟為跕也索隱屣音所綺反

游媚貴富人後宮徧

諸侯然邯鄲亦漳河之間

正義洛水本名漳水邯鄲在其地

一都會也

北通燕涿南有鄭衛鄭衛俗與趙相類然近梁魯微重

而矜節

集解徐廣曰矜一作務

濮上之邑徙野王

集解徐廣曰衛君角徙野王正

義秦拔衛濮陽徙其君于懷州野王

野王好氣任俠衛之風也夫燕亦勃

碣之間

正義勃海碣石在西

一都會也南通齊趙東北邊胡上谷

至遼東地踔遠

索隱劉氏踔音卓一音勅教反亦遠騰貌也

人民希數被寇

大與趙代俗相類而民雕悍少慮

索隱言如雕性之捷悍也

有魚鹽

棗栗之饒北鄰烏桓夫餘

索隱鄰一作臨臨者亦却背之義他並類此

東綰

穢貉朝鮮真番之利

索隱綰者綰統其要津則上云臨者謂却背之也正義番音潘

洛

陽東賈齊魯南賈梁楚故泰山之陽則魯其陰則齊齊

帶山海

集解徐廣曰齊世家曰齊自泰山屬之琅邪北被于海青壤二千里其民濶達多匿智

膏

壤千里宜桑麻人民多文綵布帛魚鹽臨淄亦海岱之

間一都會也其俗寬緩濶達而足智好議論地重難動

搖怯于衆鬪勇于持刺故多劫人者大國之風也其中

具五民

集解服虔曰士農商工賈也如淳曰游子樂其俗不復歸故有五方之民

而鄒魯濱

洙泗猶有周公遺風俗好儒尚于禮故其民齷齷

索隱齷音

則角反又音測斷反

頗有桑麻之業無林澤之饒地小人衆儉嗇

畏罪遠邪及其衰好賈趨利甚于周人夫自鴻溝以東

集解徐廣曰在滎陽

芒碭以北

集解徐廣曰今為臨淮

屬巨野

正義鄆州鉅野縣在鉅野

澤也

此梁宋也

集解徐廣曰今陶之浞儀正義鴻溝以東芒碭以北至鉅野梁宋二國之地

陶

睢陽

正義今曹州睢陽今宋州宋城也

亦一都會也

集解徐廣曰今之定陶

昔堯

作游成陽

集解如淳曰作起也成陽在定陶

舜漁于雷澤

集解徐廣曰在成陽正義

澤在雷澤縣西北也

湯止于亳

集解徐廣曰今梁國薄縣正義宋州穀熟縣西南四十五里南亳州

故城是也

其俗猶有先王遺風重厚多君子好稼穡雖無山

川之饒能惡衣食致其畜藏越楚則有三俗

正義越滅吳則有江

淮以北楚滅越兼有吳越之地故言越楚也

夫自淮北沛陳汝南南郡此西

楚也

正義沛徐州沛縣也陳今陳州也汝汝州也南郡今荊州也言從沛郡西至荊州並西楚也

其

俗剽輕易發怒地薄寡于積聚江陵故郢都

正義荊州江陵縣故

為郢楚之都

西通巫巴

正義巫郡巴郡在江陵之西也

東有雲夢之饒

集解徐廣

華容曰在陳在楚夏之交

正義夏都陽城言陳南則楚西及北則夏故云楚夏之交

通

魚鹽之貨其民多賈徐僮取慮

集解徐廣曰皆在下郡正義取音秋慮音閭徐

即徐城故徐國也僮取慮二縣並在下郡今泗州

則清剌矜已諾

正義已音紀

彭城

以東東海吳廣陵此東楚也

正義彭城徐州治縣也東海郡今海州也吳蕪州也

廣陵揚州也言從徐州彭城
歷揚州至蘓州並東楚之地

其俗類徐僮朐繒以北俗

則齊

正義朐其俱反縣在海州故繒縣在沂州之丞縣言二縣之北風俗同于齊

浙江南則

越夫吳自闔廬春申王濞三人招致天下之喜游子弟

東有海鹽之饒章山之銅三江五湖之利亦江東一都

會也衡山

集解徐廣曰都邾邾縣屬江夏正義故邾城在潭州東南百二十里

九江

正義

郡都陰陵陰陵故城在濠

江南

集解徐廣曰高帝所置江南者丹陽也秦置為

州定遠縣西六十五里

鄣郡武帝改名丹陽正義按徐說非秦置鄣郡在湖州

長城縣西南八十里鄣郡故城是也漢改為丹陽郡徙

郡宛陵今宣州地也上言吳有章山之銅明是東楚之地此言大江之南豫章長沙二郡南楚之地耳徐氏裴

氏以為江南丹陽郡屬南楚誤之甚矣

豫章

正義今洪州也

長沙

正義今潭州也十三州志云有

萬里沙祠而西自湘州至東萊萬里故曰長沙也淮南衡山九江二郡及江南豫章長沙二郡並為楚也

是

南楚也其俗大類西楚郢之後徙壽春

正義楚考烈王二十二年自陳

徙都壽春號之曰郢故言郢後徙壽春也

亦一都會也而合肥受南北潮

正義

合肥縣廬州治也言江淮之潮南北俱至廬州也

皮草鮑木輸會也與閩中于

越雜俗

集解徐廣曰在臨淮

故南楚好辭巧說少信江南卑溼大

夫早天多竹木豫章出黃金

集解徐廣曰鄱陽有之正義括地志云江州尋陽縣

有黃金山出金

長沙出連錫然董董

正義音謹

物之所有取之不

足以更費

集解應劭曰堇少也更償也言金少少耳取之不足用故費用也

九疑

集解徐廣

曰山在營道縣南

蒼梧以南至儋耳者

正義今儋州在海中廣州南去京七千餘里言

嶺南至儋耳之地與江南大同俗而揚州之南越民多焉

與江南大同俗而揚越多

焉番禺

正義番禺二音今廣州

亦其一都會也珠璣犀瑇瑁果布

之湊

集解韋昭曰果謂龍眼離支之屬布葛布

潁川南陽夏人之居也

集解徐廣曰禹居陽翟正義禹居陽城潁川南陽皆夏地也

夏人政尚忠朴猶有先王之遺風潁川敦愿秦末世遷

不軌之民于南陽南陽西通武關鄖關

集解徐廣曰按漢中亦作狗字

索隱鄭音雲正義武闕在商州地理志云宛西通武闕而無鄭闕蓋鄭當為狗狗水上有闕在金州洵陽縣徐按漢中是也狗亦作郇與鄭相似也東南受漢江淮宛亦一都會也俗雜

好事業多賈其任俠交通潁川故至今謂之夏人夫天

下物所鮮所多人民謠俗山東食海鹽山西食鹽鹵正義

謂西方鹵地也堅且鹵即出石鹽及池鹽領南沙北正義謂池漢之北也固往往出鹽

大體如此矣總之楚越之地地廣人希飯稻羹魚或火

耕而水耨集解徐廣曰乃邁反除草也正義言風草下種苗生大而草生小以水灌之則草死而苗

無損也耨果隋集解駉案徐廣曰地理志作蘇除草也索隱隋音徒火反蘇音郎果反羸蛤正義

隋今為搖音同上古少字也羸力和反果搖猶搖疊包裏也今楚越之俗尚有裏搖之語楚越水鄉足螺魚蟹民多採捕積聚疊包裏煮而食之班固不曉裏搖之方言修太史公書述地志乃故云果荒羸蛤非太史公意班氏失之也

不待賈而足

正義賈音古言楚越地勢饒食不用他賈而自足無飢饉之患地

勢饒食無饑饉之患以故皆窳

集解徐廣曰音紫皆窳苟且墮嬾之謂也駟案

應劭曰皆弱也晉灼曰窳病也索隱窳音庾正義按食螺蛤等物故多羸弱而足病也淮南子云古者民食羸蛛之肉多疹毒之患也偷生無積聚

正義言江淮以南有水族民多食物朝夕取給以偷生而

已不為積聚乃多貧也

而多貧是故江淮以南無凍餓之人亦無

千金之家沂泗水以北宜五穀桑麻六畜地小人衆數

被水旱之害民好畜藏故秦夏梁魯好農而重民三河
宛陳亦然加以商賈齊趙設智巧仰機利燕代田畜而
事蠶由此觀之賢人深謀于廊廟論議朝廷守信死節
隱居巖穴之士設為名高者安歸乎歸於富厚也是以
廉吏久久更富廉賈歸富

集解
駟案
歸者取
利而不
停貨也

富者人之

情性所不學而俱欲者也故壯士在軍攻城先登陷陣
却敵斬將搃旗前蒙矢石不避湯火之難者為重賞使
也其在閭巷少年攻剽椎埋劫人作奸掘冢鑄幣任俠

并魚借交報仇篡逐幽隱不避法禁走死地如驚

集解徐廣

曰驚一作流

其實皆為財用耳今夫趙女鄭姬設形容揆鳴

琴揄長袂躡利屐

集解徐廣曰揄音與躡一作跣跣音吐協反屐音山耳反舞屐也

目

挑

正義田鳥反

心招出不遠千里不擇老少者奔富厚也游

閑公子飾冠劍連車騎亦為富貴容也弋射漁獵犯晨

夜冒霜雪馳阮谷不避猛獸之害為得味也博戲馳逐

闖難走狗作色相矜必爭勝者重失負也醫方諸食技

術之人焦神極能為重糲也吏士舞文弄法刻章偽書

不避刀鋸之誅者沒于賂遺也農工商賈畜長固求富
益貨也此有知盡能索耳終不餘力而讓財矣諺曰百
里不販樵千里不販糴居之一歲種之以穀十歲樹之
以木百歲來之以德德者人物之謂也今有無秩祿之

奉爵邑之入而樂與之比者命曰素封

索隱謂無爵邑之入祿秩之奉

則曰素封素空也正義言不仕之人自有園田收養之給其利抵于封君故曰素封也

封者食租

稅歲率

正義音律

戶二百千戶之君則二十萬

索隱戶率二百故千戶二

十萬朝覲聘享出其中庶民農工商賈率亦歲萬息二千

戶百萬之家則二十萬

索隱率二十故百萬之家亦二十萬

而更徭租賦

出其中衣食之欲恣所好美矣故曰陸地牧馬二百蹄

集解駟案漢書音義曰五十匹索隱按馬有四足二百蹄有五十匹也漢書則云馬蹄數千所記各異牛

蹄角千

集解駟案漢書音義曰百六十頭也馬貴而牛賤以此為率

千足羊澤中千

足彘

集解韋昭曰二百五十頭

水居千石魚陂

集解徐廣曰魚以斤兩為計也索隱陂音

諛漢書作波音同正義言陂澤

山居千章之材

集解徐廣曰一

養魚一歲收得千石魚賣也

作楸駟案韋昭曰楸木所以為轅音秋索隱漢書作千

章之款服虔云章方也故孟康亦云言任方章者千枚

謂章大材也樂彥云款

安邑千樹棗燕秦千樹栗蜀漢

梓木也可以為轅者

江陵千樹橘淮北常山已南河濟之間千樹萩陳夏千

畝漆齊魯千畝桑麻渭川千畝竹及名國萬家之城帶

郭千畝畝鍾之田

集解徐廣曰六斛四斗也

若干畝厄

集解徐廣曰厄音支

鮮支也 咄音倩 一名紅 藍其花染繒赤黃也

千畦薑韭

集解徐廣曰千畦二十五畝 駟案韋昭曰

畦猶

此其人皆與千戶侯等然是富給之資也不窺市

井不行異邑坐而待收身有處士之義而取給焉若至

家貧親老妻子軟弱歲時無以祭祀進醵飲食

集解徐廣曰會

聚食索隱醵音渠略反

被服不足以自通如此不慚耻則無所比

矣是以無財作力少有聞智

正義言少有錢財則聞智巧而求勝也

既饒

爭時

正義既饒足錢財乃逐時爭利也

此其大經也今治生不待危身

取給則賢人勉焉是故本富為上末富次之奸富最下無嚴處奇士之行而長貧賤好語仁義亦足羞也

凡編戶之民富相什則卑下之伯則畏憚之千則役萬則僕物之理也夫用貧求富農不如工工不如商刺繡文不如倚市門此言末業貧者之資也通邑大都酤一

歲千釀

正義釀千甃酤醢醋云酒酤

酤醬千坵

集解徐廣曰長頸嬰索隱坵音開江反

醬千甌

集解徐廣曰大甌缶索隱音都甘反漢書作僮孟康曰僮石甌石甌受一石故云僮石一音都

反

屠牛羊彘千皮販穀糴千鍾

集解徐廣曰出穀也糴音掉也

薪橐千

車船長千丈

索隱摠積數長千丈

木千章

集解駉案漢書音義曰洪洞方橐章材也舊將

作大匠掌材曰章曹掾索隱洪

音胡孔反洞音動又並如字

竹竿萬个

集解徐廣曰古賀反正義

釋名云竹曰个木曰枚

其輶車百乘

集解徐廣曰馬車也正義輶音遙說文云輶小車也牛

車千兩

正義車一乘為一兩風俗通云箱輶及輪兩兩而偶之稱兩也

木器髹者千枚

集解徐廣曰髹音休漆也正義顏云以漆物謂之髹又音許昭反今閩東俗器物一再漆者謂之稍漆即髹殼

之轉耳今關西俗云里髹盤朱兩義並通

銅器千鈞

集解徐廣曰三十斤

素木鐵器若

卮萬千石

集解徐廣曰百二十斤為石駟案漢書音義曰素木素器也

馬蹄蹶千

集解

徐廣曰蹶苦弔反馬八膠音料索隱埤蒼云尻骨謂八膠一曰夜蹄小顏云蹶口也蹄與口共千則為二百疋若顧脣則云上文馬二百蹄與千戶侯等此蹄蹶千比千乘之家不容亦二百則竅謂九竅通四三而成一馬所謂生之徒

牛千足羊羴千雙僮手指千

集解駟案漢書音義曰僮

奴婢也古者無空手游日皆有作務作務須手指故曰手指以別馬牛蹄角也

筋角丹沙千斤

其帛絮細布千鈞文采千匹榻布皮草千石

集解徐廣曰榻音吐

合反駟案漢書音義曰榻布白疊也正義顏師古曰羴厚之布也其價賤故與皮草同重耳非白疊也答者厚之貌也按白疊本綿所織非中國有也

漆千斗蘗麴鹽豉千荅

集解徐廣曰或作合

器名有甌孫叔敖云甌瓦

鮐魚斤

集解駢案漢書音義曰音如楚人言

器受斗六升合為甌音貽

鮐魚斤

集解駢案漢書音義曰音如楚人言

齊鯀魚與鮐魚也正義鮐音臺又音貽

說文云鮐海魚也鯀音齊禮反刀魚也

鮐千石鮐千鈞

集解徐廣曰鮐音輒鮐魚也正義鮐音族苟反謂雜小

魚也鮐白也然鮐鯀以斤論鮐鮐以千鈞論乃其九倍

多故知鮐是大好者鮐鮐是雜者也徐云鮐膊魚也膊

並各反謂破開中頭尾不相離為鮐謂之膊閔者也此

亦大魚為之也

棗栗千石者三之

正義謂三千石也言棗栗

鮐正義音彫棗千皮羔羊棗千石旃席千具佗果菜千鍾

正義

鍾六斛四斗果菜謂雜

果菜于山野采取之

子貸金錢千貫節駢會

集解徐廣曰駢

音祖郎反馬儉也駢案漢書音義曰會亦是儉

也節節物貴賤也謂估儉其餘利比千乘之家貪賈三

之廉賈五之

集解駟案漢書音義曰貪賈未當賣而賣未當買而買故得利少而十得三廉賈貴

而賣賤乃買故十得五

此亦比千乘之家其大率也

正義率音律

佗雜

業不中什二

正義言雜惡業而不在什分中得二分之利者非世之美財也

則非吾財

也請略道當世千里之中賢人所以富者令後世得以

觀擇焉

蜀卓氏之先

集解徐廣曰卓一作淖

趙人也用鐵冶富秦破趙遷

卓氏卓氏見虜畧獨夫妻推輦行詣遷處諸遷虜少有

餘財爭與吏求近處處葭萌

集解徐廣曰屬廣漢正義葭萌今利州縣也

唯

卓氏曰此地狹薄吾聞汶山之下沃野下有蹲鴟

集解徐廣

曰古蹲字作踰駟案漢書音義曰水鄉多鴟其山下有沃野灌溉一曰大芋正義汶音珉蹲鴟芋也言邛州臨邛縣其地肥又沃平野有大芋等也華陽國志云汶山郡安上縣有大芋如蹲鴟也至死不飢民

工于市易賈乃求遠遷致之臨邛大喜即鑄山鼓鑄運

籌策傾滇蜀之民

正義滇一作沮漢書亦作滇也今益州郡有蜀州亦因舊名及漢江為名

江在益州南入導江非漢中之漢江也

富至僮千人田池射獵之樂擬于

人君

程鄭山東遷虜也亦冶鑄賈椎髻之民富埒卓氏俱居

臨叩

宛孔氏之先梁人也用鐵冶為業秦伐魏遷孔氏南陽大鼓鑄規陂池連車騎游諸侯因通商賈之利有游閑

公子之賜與名

集解常昭曰優游間暇也

然其贏得過當愈于織

正義音色嗇吝也言孔氏連車騎游于諸侯以資給之
魚通商賈之利乃得游閑公子交名然其通計贏利過
于所資給餉遺之當猶有交
游公子雍容而勝于慳嗇也
家致富數千金故南陽行

賈盡法孔氏之雍容魯人俗儉嗇而曹邴氏尤甚以鐵

冶

集解徐廣曰魯縣出鐵

起富至巨萬然家自父兄子孫約俛有

拾仰有取賞貸行賈徧郡國鄒魯以其故多去文學而趨利者以曹邠氏也

齊俗賤奴虜而刁間獨愛貴之

正義刁丁
邠反姓名

桀黠奴人之

所患也唯刁間收取使之逐漁鹽商賈之利或連車騎交守相然愈益任之終得其力起富數千萬故曰寧爵

母刁

集解駉案漢書音義曰奴自相謂曰寧欲免去
作民有爵邠將止為刁氏作奴乎無發聲語助

言

其能使豪奴自饒而盡其力周人既織

集解駉案漢書
音義曰儉嗇也

而師史尤甚

正義師史
人姓名

轉轂以百數賈郡國無所不至

洛陽街居在齊秦楚趙之中

正義洛陽在齊秦楚趙之中其街巷貧人學于富家

相矜以久賈諸國皆數厯里邑不入其門故前云洛陽東賈齊魯南賈梁楚是也

貧人學事富

家相矜以久賈

集解駟案漢書音義曰謂街巷居民無田地皆相矜久賈在此諸國也

數

過邑不入門設任此等故師史能致七千萬

宣曲任氏之先

集解徐廣曰高祖功臣有宣曲侯索隱上林賦云西馳宣曲當在京輔今闕其

地也正義按其地合在關內張揖云宣曲官名在昆池西也

為督道倉吏

集解駟案漢書音義

曰若今吏督租穀使上道輸在所也韋昭曰督道秦時邊縣名

秦之敗也豪傑皆爭取

金玉而任氏獨窖倉粟

集解徐廣曰窖音校穿地以藏也

楚漢相距榮

陽也民不得耕種米石至萬而豪傑金玉盡歸任氏任

氏以此起富富人爭奢侈而任氏折節為儉力田畜田

畜人爭取賤賈

索隱晉灼云爭取賤賈金玉也正義音價也

任氏獨取貴善

索隱謂買物必取貴而善者不爭賤價也

富者數世然任公家約非田畜所

出弗衣食公事不畢則身不得飲酒食肉以此為閭里

率故富而主上重之塞之斥也

正義孟康云邊塞主斥侯卒也唯此人能致富

若此顏云塞斥者言國斥開邊塞更令寬廣故橋姚得恣其畜牧也姓橋名姚也

唯橋姚已致

馬千匹牛倍之羊萬頭粟以萬鍾計

集解駟索漢書音義曰邊塞主斥侯

卒也唯此人能致富若此索隱孟說非也按斥開也相如傳云邊塞益斥是也橋姓姚名也言橋姚因斥塞而致此資風俗通云馬稱匹者俗說云相馬及君子與人相匹故云匹或說馬夜行目照前四丈故云一匹或說度馬從橫適得一匹韓詩外傳云孔子與顏回登山望見一匹練前有藍視之果馬光景一匹長也吳楚

七國兵起時長安中列侯封君行從軍旅齋貸子錢索隱

齋音子稽反貸假也音吐得反與人物云齋周禮注齋所給與也子錢家以為侯邑國

在關東關東成敗未決莫肯與唯無鹽氏出捐千金貸

索隱貸音

吐代反

其息什之

索隱謂出一得十倍

三月吳楚平一歲之中

則無鹽氏之息什倍用此富埒關中關中富商大賈大

抵盡諸田田畝田蘭韋家栗氏安陵杜杜氏

集解徐廣曰安陵及

杜二縣名各有杜姓也宣帝以杜為杜陵

亦巨萬此其章章尤異者也

集解徐廣

曰異一作淑又作較

皆非有爵邑奉祿弄法犯奸而富盡椎埋去

就與時俯仰獲其贏利以末致財用本守之以武一切

用文持之變化有槩故足術也若至力農畜工虞商賈

為權利以成富大者傾郡中者傾縣下者傾鄉里者不

可勝數夫織畾筋力治生之正道也而富者必用奇勝

田農拙業

集解徐廣曰古拙字亦作掘也

而秦陽以蓋一州

索隱漢書作甲一州

服虔云富為
州中之第一

掘冢奸事也而曲叔以起博戲惡業也而

桓發用之富

索隱漢書桓作稽
正義桓發人姓名

行賈丈夫賤行也而雍

樂成以饒販胎

正義說文云載角
者胎無角者膏也

辱處也而雍伯千金

集解徐廣曰雍一作翁索隱
雍音于恭反漢書作翁伯也

賣漿小業也而張氏千萬

洒削薄技也

集解徐廣曰洒或作細
治刀劍名索隱洒音先禮反削刀者名洒

削謂摩刀以水洒之又方言云
削關東謂之削音肖亦依字讀

而郅氏鼎食胃脯簡

微耳濁氏連騎

索隱晉灼云太官常以十月作沸湯煨
羊胃以末椒薑粉之訖暴使燥則謂之

脯故易售而致富也正義按胃
脯謂和五味而脯美故易售

馬醫淺方張里擊鍾此

皆誠一之所致由是觀之富無經業則貨無常主能者輻湊不肖者瓦解千金之家比一都之君巨萬者乃與王者同樂豈所謂素封者邪非也

索隱述贊

曰貨殖之利工商是營廢居善積倚市邪

藏白圭富國計然強兵保泰朝請女築懷清素封千

戶車鄭

史記卷一百二十九

史記卷一百二十九考證

貨殖列傳。

臣照

按遷史以貨殖傳終所以見生王詩

書禮樂之澤至漢武之世而蕩然無遺蓋傷之也末以非也二字作結彰彰可見而後儒猶謂馬遷重貨殖而薄仁義寧得稱知言哉

故物賤之徵貴貴之徵賤索隱徵者求也謂此處物賤求彼貴賣之。董份曰賤之徵貴賤極則人棄之故其徵必貴白圭之術正能明貴賤之徵而棄取之也

以徵為求謬

周書曰農不出則乏其食工不出則乏其事商不出則三寶絕虞不出則財匱少。此語汲冢書無之疑在所闕八篇之中

天下壤壤。凌稚隆曰按壤穰通用鹽鐵論此語作穰穰

計然之策七。越絕書及吳越春秋作九術

之陶。臣照南按正義以陶在齊州平陽縣又以為曹

州濟陽縣又以為在南郡華容縣據水經注云定陶縣則曹州近之

子贛既學于仲尼退而仕于衛廢著鬻財于曹魯之間
○史通曰昔孔子力可翹闕不以力稱何則大聖之
德具美者衆不可以一介末事持為百行端首也至
如達者七十分以四科而太史公述儒林則不取游
夏之文學著循吏則不言冉季之政事至于貨殖為
傳獨以子貢居先掩惡揚善既忘此義成人之美不

其缺如

夫歲孰取穀予之絲漆蠶凶取帛絮與之食。凶各本
並作出程一枝曰蠶字屬上句讀出字本作凶蓋以
字形相近而訛也今從程說改正

夫燕亦勃碣之間正義勃海碣石在西。臣世駿按西

下宜有北字

以故蚘蠃正義按食螺蛤等物故多羸弱而足病也淮
南子云古者民食羸蛛之肉多疹毒之患也。徐孚

遠曰觀下文偷生無積聚則羸弱病足之說非也

是以廉吏久久更富廉賈歸富集解歸者取利而不停
貨也。顧炎武曰貨殖傳廉吏久久更富廉賈歸富
又曰貪賈三之廉賈五之夫放于利而行多怨廉者
知取知與無求多于人義然後取人不戢其取是以
取之雖少而久久更富廉者之所得乃有其五也注
非

下有蹲鴟集解徐廣曰古蹲字作踰。徐廣既有此釋

則本文蹲字應作跋矣又正義引華陽國志云汶山郡安上縣有大芋如蹲鴟安上水經注作江郡

洛陽街居在齊秦楚趙之中○顧炎武曰說文街四通道鹽鐵論燕之涿薊趙之邯鄲魏之溫軹韓之滎陽齊之臨淄楚之宛丘鄭之陽翟二周之三川皆為天下名都居五諸侯之衝跨街衝之路

為督道倉吏集解漢書音義曰若今使督租穀吏上道輸在所也韋昭曰督道秦時邊縣名○班馬異同曰

督道者倉所在地名耳猶後傳注漢宮闕疏所稱細柳倉也

盡椎埋去就。顧炎武曰椎埋當是推移二字之誤

史記卷一百二十九考證